

壇廟

社稷壇在城西一里縱橫二丈五尺高二尺一寸四出  
陛各三級不屋神臺一座右社左稷以石為王每歲  
以春秋二仲月上戊日為民祈報

陳設

鉶二 實和羹肉清  
調以鹽菜

簠二 實黍稷

簋二 實稻粱

邊四 實形鹽黍  
栗鹿脯

豆四 實菁菹鹿醢  
芹藟兔醢

牛一豕一 皆陳  
以俎

鑪一 受香

鐙一 受燭

帛一 色黑盛以籠

尊一 承以舟疏  
布幕勺具

宜城縣志

卷二 建置志

白磁爵六

胙肉盤一

福酒壺一

祝辭曰惟 神奠定九土粒食萬邦分五色以表封

圻育三農而蕃稼穡恭承守土肅展明禋時屆仲春

敬脩祀典九九松栢鞏磐石於無疆翼翼黍苗佐神

倉於不匱

風雲雷雨山川城隍壇舊在宋玉塚之右今在南關外

壇制同社稷春秋祈報常祀合祭一壇與社稷同日

陳設每位爵三餘俱同社稷帛七色以類從

相沿而誤耳舊志謂即今縣治更爲刺謬若曾子固謂宋孝武帝永初元年築宜城之大隄爲城今縣治是也則因舊唐書之文而誤其實大隄在東洋宋世祖大明元年改宜城爲華山郡始移治焉西魏改爲漢南唐貞觀中省漢南入率道治在今縣北天寶元年改率道爲宜城復漢縣之故名貞元中干太傅改驛道乃定今治大約先後凡五遷而後定舊說龐雜彼此互異因詳其原委爲駁正之

明成化元年縣令郭泰因流賊劉千斤亂築土城週城

宜城縣志

卷二

建置志

二

三里許

宏治二年縣令海澄增土二尺覆以瓦

十年縣令王緒建四門樓

十六年縣令林典闢馬道以幫城脚立冷舖以上舊志

正德六年縣令朱崇學因劉六等賊逼境創甃城周八

百丈高一丈五尺題四門曰望江凝暉來達拱辰池

周九丈深一丈濶稱之府志

嘉靖三十年漢水泛溢破城東南北三面巡道陳紹儒

守道雷賀省災至宜從士民請拓跨西岡以避水縣

令郝廷璽董役增設小南門邑人郭玠有記見藝文

萬曆二年縣令雷嘉祥奉勅興修盡撤朽蝕甃以新甃而以舊甃實其中週迴五里三分共計八百五十九丈四尺高二丈厚五尺四寸其廣三丈面濶丈餘堞頭九百三十七門六曰東門小東門南門小南門西門北門各有城樓匾額沿城建有窩舖城濠四面各深一丈濶稱是東爲漢水頻冲濶五六丈橫橋濟之南北隅因城跨西岡自高臨下以故池僅濶一丈許城西面據堪輿家言池不宜深以地脉自西北來恐傷地氣故深不過三五尺濶亦僅丈許

三十年久雨城垣剝落縣令胡明佐主簿杜明倫補

宜城縣志

卷二

建置志

三

築之

崇禎十三年縣令陳美重修小南門鑄石額曰文鑰天開

十五年闖賊陷城樓堡窩舖俱燬數百年建置灰於一炬

國

朝順治三年撫治徐起元檄縣令王文禎修濬城池

五年賊高必正李來亨李赤心等復經殘燬

六年撫治趙兆麟檄縣令涂廷楹葺建樓堡

八年告成

十三年縣令劉祚長重修東南城二樓題東額曰紫

氣東來西日瑞霽南浮餘門自十五年俱閉

康熙二十二年吳逆竄擾滇黔軍報絡繹縣令胡永慶

始啟西門以便驛道新修東門樓建城堡八間舊志

乾隆四十七年週城六門半就墮壞縣屬士庶士大夫

等建議軍民各半呈請捐修縣令田育龍佑報允准

四十八年九月興工

五十一年告成崇慶公樓雕漆題額址仿前式飾壯

舊觀

嘉慶元年教匪倡亂賊目胡宗朝等焚掠縣境城垣西

南兩段者民姚存宣捐葺

宜城縣志

卷二

建置志

四

二年賊擾城西城傾西北一段邑令屈樸補修

十年大水城東南北三而潰塌白餘處申詳未報

十六年豫匪密瀾鄧襄縣令葛桂芳勸士民捐修

道光六年自夏徂秋陰雨彌月東城復圯二段署縣事

于鼎培捐廉繕修

十二年大水六日乃退潰城垣二百八十餘戶圮敵

樓二座勢難小補士民集議興修而歲皆告緇縣令

趙鵬翔耿澹玉估報勸捐勵以叙獎至十八年又告

成事焉以上採訪記

咸豐二年大水如道光十二年時城壞七段長二百五

丈餘祀小南門敵樓縣令陳漢勸民修理閏七月而完功小南門遂閉不啟

隄防附

唐貞元遷縣時築隄周十一里以衛城

宜城大隄舊志以今縣城及隄皆為前宋永初時築今考縣城不當為永初時城則今隄亦不得指為宋隄此隄亦稱大隄故縣志於名賢大隄諸咏莫不採入亦屬借以飾觀耳若宋書志華山僑郡之治大隄則確指永初所築大隄矣府志

宋淳熙八年襄陽府太守郭杲請修宜城護城隄以捍

宜城縣志

卷三

建置志

五

江流繼築救生隄為二陣一通於江一達於濠當水涸時導之入濠水漲時放之於江自是水雖至隄無湍悍汎濫之患宋史河渠志

明嘉靖三十年漢水大漲沒隄過半縣令郝廷璽補築四十五年水潰護城隄縣令景一陽張鳳起繼葺

隆慶六年水壞隄縣令雷嘉祥陪築舊隄七里許加濶一丈高七尺又自城北至小東門增土隄長一百八十弓高三丈濶六尺

萬曆二年巡撫趙賢撫治孫應鰲檄加高五尺設警舖六年縣令張相以舊隄逼城下復請之當道築新隄

於外自紫陽觀而南復與舊隄合冲激處間甃以石  
十年又大水縣令張鳴岡增培新隄均甃以甃植柳  
隄下堅其基又遷驛於隄北以鎮固之

二十年隄漸頽薄歲適大饑縣令梁雍藉饑民力給  
錢穀趨役隄工遂復其舊以上舊志

國朝嘉慶元年匪亂部賊焚擾縣境守將侍衛烏什哈達

令决城東裏隄口引東濠水通西南兩池防賊環攻  
會外隄剝口歲久塌陷是秋漢漲洪西徙水由兩河  
口流入浸損隄址

十年大水冲隄民商輸貲補葺

宜城縣志

卷三

建置志

六

道光十二年漢水襄陵隄身陷裂編戶餓次葺補以上縣志

縣東至棗陽南至安陸西至南漳北至襄陽祇一面踞  
山三面臨江江故道繞鳳凰山而下去城二十餘里  
舊有使風龍潭二港接大江流灌入城濠然未聞爲  
城患也迨明嘉靖四十五年九月江溢直衝迎水洲  
而下改徙鳩瀆河新洪逼城五里許又由使風龍潭  
二港衝洗南北城樓自此水漲徑撼城隄後議築使  
風龍潭二港皆謂港口不塞城隄終難保障也利

坊表

附

進士坊

前明爲進士鍾亮立

攀桂坊

前明為舉人王璵立

冠英坊

前明為舉人熊育立

鳴鳳坊

前明為舉人田和立

恩榮坊

前明為舉人羅英立

攀龍坊

前明為舉人張楨立

步蟾坊

前明為舉人王震立

獨步坊

前明為舉人譚清立

騰霄坊

前明為舉人王通立

凌雲坊

前明為舉人軒冕立

彩雲

臨岐坊畿輔郡守坊俱為舉人王麒立明令梁

宜城縣志

卷二

建置志

七

雍改彩雲坊為恩榮奕世坊

象魏清秩坊

前明為鴻臚寺卿楊孟和立

世命秩宗坊

前明為太常寺卿王凝馳封三代立

大中丞坊

前明為兵部右侍郎雲南巡撫王凝立

法垣都諫坊

前明為刑部都給事胡價立

兩臺總憲坊

前明為都察院右副都御史前操江

都御史胡價立

以上十六坊明季兵燹後皆廢

恩榮三世坊又名青鎖侍臣坊

前明為刑部右侍郎

胡價立乾隆六十年中梁泐裂在城紳薦謀折舊易

新緣事止今惟兩柱暨四石貌在焉

昇平人瑞坊 國初爲百歲生員邱峒立  
在西街教諭署右

節孝坊

詳見列女志

坊表旌善也前代率由仕宦

國朝則節孝爲多野人女子而有士君子之行風化之  
應具見於茲

宜城縣志

卷二

建置志

八



宜城縣志卷之二

建置志

城池 壘塞

壇廟

公署

驛舖

營汛

里屯

楚自遷都改紀而遷法度紀綱頓易華路舊觀誠煌煌美備哉厥後僑郡置縣代有經營至我

朝循良接武益煥新猷茲即損益所在詳其規隨俾後之覽者得以指而目之曰某也賢庶績成理某也能百廢俱興庶幾前事鴻規可作後賢龜鑑也夫

城池

隄防附

坊表附

唐德宗貞元中太傅于頔帥襄陽遷縣今治築土城

按舊唐書地理志宋立華山郡於大隄村即今縣蓋

宜城縣志

卷二

建置志

指貞元以前未遷時而言韓昌黎記宜城驛云于太傅帥襄陽遷宜城縣自是以來不聞改遷則今之縣治其為貞元故城無疑太平寰宇記謂大隄城今宜城縣也相傳呼為大隄城迄今不改似忘却貞元遷縣一節耳

通志

今考縣治初為鄢時在今城南九里府志謂在故襄城然當日鄢都並建都在故襄城南五里不應如此密邇漢惠帝三年改鄢曰宜城徙治縣西北湖岡後因山水衝崩仍遷故鄢縣括地志所謂宜城遷縣在古鄢子國者是府志亦謂在故襄城殆

祝辭曰維 神贊襄天澤福佑蒼黎佐靈化以流形  
生成永賴垂氣機而鼓盪溫肅攸宜磅礴高深長保  
安貞之吉憑依鞏固實資捍禦之功幸民俗之殷盈  
仰 神明之庇護恭修歲祀正值良辰敬潔邊豆祇  
陳牲幣

乾隆七年奉文歲孟夏月辛日直省府州縣行常雩  
祭於 神祇壇以祈甘雨陳設禮節與春秋二仲常  
祀神祇同

祝辭曰恭膺 詔命撫育羣黎仰體 彤庭保赤之  
誠勤農勸稼俯懷芻屋資生之本力穡服田令甲爰

宜城縣志

卷二

建置志

二

頌肅舉祈年之典惟寅將事用申守土之忱黍稷惟  
馨尚冀明昭之受賜來牟率育庶俾豐裕於蓋藏

遇有亢旱前一日致齋修省示禁屠醢具祝文隨時撰擬祀日

供案陳設脯醢三品紅棗榛仁葡萄桃仁蓮子五盤  
香帛尊爵鑪鐙皆具正印官率屬詣壇禱祀甫冠素

服不鳴鑼開道不設旗仗鼓吹虔誠步禱爲民請命  
每禱七日分晷先祭神祇次祭社稷不雨仍禱如初

既應而報若久雨祈晴冬旱祈雪禮亦如之又乾隆  
七年奉文久雨祈晴伐鼓用牲榮祭於水湧較甚之  
城門獲晴乃報祭

祝辭曰 詔命臨民職司守土惟兆人之攸賴並藉  
神功冀四時之常調羣蒙福蔭必使雨暘應候爰占  
物阜而民安庶其寒燠咸宜共慶時和而歲稔仰靈  
樞之默運聿集嘉祥襄元化以流行俾無菑害

先農壇在城南關外護城隄內藉田在其南雍正九年  
邑令藺璫建 國制直省府州縣各於治所東郊建

先農壇壇側擇沃壤為藉田四畝九分收粟二石乾

隆二年奉

勅繕修制同社稷壇前為門中建壇壇後建祠三楹中供

先農神位東貯祭器農具西貯藉田米穀廂房二間

宜城縣志

卷二

建置志

三

任看守農民今壇制圯廢邑將事以南泰山廟攝

每仲春月吉日祭 先農行耕藉禮巳時致祭午時

耕藉各官更蟒袍詣藉田耆老率農夫披簷戴笠蒞

於田間各官就耕豫備農具黓以牛一 黑色 籽種一

青色進授之於各官耒耜與鞭皆朱色正官右手秉

耒左手執鞭隨耕官皆右手扶犁左手執鞭進耕藉

田以一官捧青箱內貯籽粒一官播種耆老一人牽

牛農夫二人扶犁牧童六人唱田歌各官皆九推九

返畢釋耒鞭以次序立田首西面北上俟農夫終畝

告畢事各官更朝服望

闕立香案前行三跪九叩禮賞賚耆老農夫各有差

陳設

帛一 白色 硯一 和羹 羊一 豕一 簋二

簋二 稻梁籩四 無定 豆四 無定

祝辭曰惟 神肇興稼穡粒我蒸民頌思文之德克

配彼天念率育之功常陳時夏茲當東作咸服先疇

洪惟 九五之尊歲舉三推之典恭膺守土敢忘勞

民謹奉彝章聿修祀事惟願五風十雨嘉祥恒沐於

神休庶幾九穗雙歧上端頰書於大有

邑厲壇在縣城北門外每歲三月清明日七月望日十

宜城縣志 建置志 卷二 四

月朔日迎城隍神位於上列無祀之鬼於側羊一豕

一祭品無定下用米爲飯置香燭酒紙隨時取給僧

道官率屬諷經

告城隍文爲祭祀本縣無祀鬼神事欽奉

皇帝聖旨普天之下率土之上無不有人無不有鬼人鬼

之道幽明雖殊其理則一今國家治民事神已有定

制尚念冥冥之中無祀鬼神昔爲生民未知何故而

沒其間有遭兵刃而橫傷者有死於水火盜賊者有

被人取財而逼死者有被人強奪妻妾而死者有遭

刑禍而負風死者有天災流行而疫死者有爲猛獸

毒蟲所害者有爲饑餓凍死者有因戰鬪而殞身者  
有因危急而自縊者有因牆屋傾頽而壓死者有死  
後無子孫者此等鬼魂或終於前代或沒於近世或  
兵戈擾攘流移於他鄉或人烟斷絕久缺其祭祀姓  
名泯沒於一時祀典無聞而不載此等孤魂死無所  
依精魄未散結爲陰靈或依草附木作爲妖怪悲號  
於星月之下呻吟於風雨之時凡遇人間節令心思  
陽世魂杳杳以無歸身墮沉淪意懸懸而望祭興言  
及此憐其慘悽故飭天下有司依時享祭命本處城  
隍以主此祭鎮控壇場鑒察諸神等類其中果有生

宣城縣志

卷三

建置志

五

爲良善誤遭刑禍死於無辜者神當達於所司使之  
還生中國永享太平之福如有素爲兇頑身死刑戮  
雖獲善終實出僥倖者神當達於所司屏之四遠善  
惡之報神必無私欽奉如此某等不敢有違謹於某  
年月日設壇於北郭外置備牲醴羹飯享祭本縣無  
祀鬼神等衆然幽明異境人力難爲必資神力庶得  
感通今特移文於神先期分遣諸將召集本縣闔境  
鬼靈等至日悉赴壇所普享一祭神當欽承 勅命  
鎮控壇場鑒察善惡無私昭報爲此合行移牒請照

驗欽依施行

關帝廟在北街縣署東南向明萬歷四十三年邑令許  
纓建乾隆二年邑令藺琦五十六年署令楊馥孫以  
次繕葺嘉慶二十三年縣令秦鍾英飭捐重修後殿  
春秋樓三間後廂東西各二間前殿三間拜殿三間  
大門三間週繚以牆

元天歷元年封關聖爲顯靈威勇武安英濟王明初  
不仍元封稱漢前將軍壽亭侯嘉靖十年始訂其誤  
改稱漢前將軍漢壽亭侯考漢壽地名今四川廣元縣亭侯爵名專稱壽亭侯  
非萬歷二十年賜廟額曰英烈

國朝順治元年定每年五月十三日致祭順治九年

宜城縣志

卷二

建置志

六

勅封忠義神武關聖大帝歲五月十三日致祭其所在郡  
縣春秋二仲祠祀雍正三年改祀太牢五年

勅封三代

曾祖爲光昭公

祖爲裕昌公

父爲成忠公官其後裔爲五經博士令州縣皆建專祠  
春秋以太牢祀乾隆三十二年

加號靈佑嘉慶間

加號顯仁咸豐九年

欽頌萬世人極匾額

陳設

帛一

白色

牛一

豕一

羊一

籩十

豆十

五月十三日陳設同

乾隆九年祝辭曰惟

帝浩氣凌霄丹心貫日扶正

統而彰信義威震九州完大節以篤忠貞名高三國

神明如在徧祠宇於寰區靈應丕昭薦馨香於歷代

屢徵異蹟顯佑羣生恭遇嘉辰遵行祀典筵陳籩豆

几奠牲醪

後殿祀三代陳設

宜城縣志

卷二

建置志

七

帛各一

豕各一

羊各一

籩豆各八

祝辭曰惟

公世澤貽休靈源積慶德能昌後篤生

神武之英善則歸親宜享尊崇之報列上公之封爵

錫命攸隆合三世以肇禮典章明備恭誠吉且祇事

薦馨

咸豐四年奉

旨勅封闕聖帝君升入宗祀春秋二季

祝辭曰惟

神星日英靈乾坤正氣允文允武紹聖

學於千秋至大至剛顯神威於六合仰聲靈之赫濯

崇典禮於馨香茲當仲春用昭時饗惟祈 昭格克  
鑒精虔

五月十三日祝辭曰惟 神九宇承庥兩儀合撰崧  
生嶽降潮誕聖之靈辰日午天中居恢台之令序聰  
明正直壹者也千秋徵辟蠶之隆盛德大業至矣哉  
六幕肅馨香之薦爰備懋典式展明禋茲芬時陳精  
誠 鑒格

加封三代

曾祖光昭公為光昭王

祖裕昌公為裕昌王

宜城縣志

卷二 建置志

八

父成忠公為成忠王春秋二季祝辭曰惟 王世澤覃  
庥令儀裕後靈鍾河嶽篤生神武之英誠溯淵源宜  
切尊崇之報班爵超躬桓而上升香肅俎豆之陳茲  
際仲穡爰修祀事尚祈 昭鑒式此茲芬

五月十三日祝文惟 王迪德承家累仁昌後崧生  
嶽降誠毓 聖之有基本本水源宜推恩之及遠封  
爵特超於五等馨香永薦於千秋際仲夏而屆時命  
禮官而將事惟祈 昭格鑒此精虔

樂章

迎神樂格平之章



懿鑠兮焜煌神武靈兮赫八方偉烈昭兮累禋祀事  
明兮永光達精誠兮黍稷馨香儼如在兮洋洋  
初獻樂翊平之章

英風颯兮神格思紛羽蓋兮龍旂斟桂醑兮盈卮香  
始升兮明粢惟降鑒兮在茲流景祚兮翊昌時

亞獻樂恢平之章

觴再酌兮告虔舞干戚兮合宮懸歆苾芬兮潔蠲廟  
巍顯翼兮神功宣

終獻樂靖平之章

鬱鬯兮三申羅籩盞兮畢陳儀卒度兮肅明禋神降

### 宜城縣志

#### 卷二

建置志

九

福兮宜民宜人

徹饌樂彝平之章

物惟備兮咸有明德惟馨兮神其受告徹兮禮終罔  
咎佑我家邦兮孔厚

送神樂康平之首章

幢葆葳蕤兮神聿歸馭鳳軫兮駮虬駢降烟熅兮餘  
飭菲願回靈盼兮德洽明威

望燎樂康平之次章

焜蒿烈兮燎有輝神光遥燭兮祥雲霽非祭受福兮茂  
典無違庶揚駿烈兮永奠疆畿

文昌宮在文昌門內咸豐元年邑令周和祥建邑舊有文昌樓在城東南隅明萬歷二十五年邑令梁雍建南向崇禎十三年邑令陳美訓導周建中改爲西向國朝順治四年邑令王文禎撥城隅地二段作香火費既改建新宮擬樓祀奎星未果 嘉慶六年奉

諭文昌照關帝例列入祀典一切禮節祭品均與祭關帝同是年又奉禮部奏准 文昌帝君三代姓名杏無確據未便請加封號謹擬增設牌位一分牌位面書 文昌帝君先代神位遇祭期照關帝廟後殿祀典歲春秋二祭以二月初三日 聖誕爲春祭秋祭

### 宜城縣志

### 卷二

建置志

十

另行擇吉

祝辭曰維 神蹟著西垣樞環比極六匡嚴驛協昌運之光華累代鍾靈爲人文之主宰扶正久彰夫感召薦馨宜致其尊崇茲屆仲穡用昭時祀尚其歆格鑒此精虔

文昌先代祝辭曰祭因先河之義禮崇反本之思矧夫世德彌光延賞斯及祥鍾累代炳列宿之精靈化被千秋偉人文之主宰是尊後殿川答前庥茲屆仲穡肅將時祭用申告潔神其格歆

咸豐四年奉

願文昌帝君升入宗祀祝辭曰惟

神道闡苞符性敦孝

友並行並育德侔天地以同流乃聖乃神教炳日星

而大顯仰鑒觀之有赫示明德之惟馨茲當仲春用

昭時享惟祈歆格克鑒精虔

二月初三日祝辭曰惟 神功參橐籥換合乾坤溯

誕降之靈辰三台紀瑞度中和之令節九宇承暉若

日月之有光明闡大文於孝友如天地無不覆載感

至治於馨香爰舉上儀敬陳芳薦精禋罔斁 神鑒

式臨

後殿二月初三日祝辭曰惟 文昌帝君道備中和

宜城縣志

卷二

建置志

七

神超亭毒稟詒謀而允紹欽毓 聖之有基雲漢昭

回際嶽降崧生之會馨香感格興水源木本之思式

肇明禋用光藝典尚祈 神鑒享此清芬

文昌帝君升入中祀祝辭曰教嚴彰彛敷經天緯地之

文典重揄揚顯福國佑民之化俎豆聿隆於往昔聲

靈並著於寰區爰命秩宗特崇祀享維 神天資孝

友灑氣仁慈統四德而稱元贊三才而立極闡化啟

天人之與正教宏開黜邪昭日月之暉人文蔚起溯

尊崇之旨備禮以明虔惟神聖之垂庥道皆同揆敬

稽茂典載陟明禋彰文治於重光肅升馨於中祀練

日奏六成之樂聲協鏘鸞調風陳萬舞之儀誠通厚  
嚮潔苾芬而式薦申嚮往以維虔於戲功蕩蕩乎無  
名聲教久孚於六幕神洋洋其如在馨香用報以千  
秋敬舉上儀尚祈 昭格

後殿祝辭曰教詒式穀垂抑邪扶正之規禮重升馨  
著崇德報功之典載稽譜牒祇肅苾芬惟 文昌帝  
君學裕本源道參位育緬馨香之至治火極尊崇申  
報享之隆文宜昭誠敬聿升中祀式舉上儀於戲德  
迪前光十七世仁恩普洽慶餘積善億萬年文運長

新敬布明禮尚祈 昭鑒

宜城縣志

卷二

建置志

十一

樂章

迎神樂奏不平之章

秉氣兮靈躔翊文運兮赫中天蛻旌兮戾止雕俎兮  
告虔迓神麻兮於萬斯年

初獻樂奏倣平之章

神之來兮簋簋式陳神之格兮几筵式親極昭彰兮  
靈貺致蠲潔兮明禋升香兮伊始居歆兮佑我人民  
亞獻樂奏煥平之章

再酌兮瑤觴燦爛兮庭燎之光申虔禱兮神座儼然  
降兮帝旁粢醴潔兮齋邀將綏景運兮靈長

終獻樂奏煜平之章

禮成三獻兮樂奏三終覃敷元化兮繁神功馨香達  
兮胥嚮通歆明德兮昭察寅衷

徹饌樂奏懿平之章

備物兮惟時告徹兮終禮儀神悅懌兮鑒在茲垂鴻  
佑兮累洽重熙

送神樂奏蔚平之首章

雲駢駕兮風旂招神之歸兮天路遙瞻翠葆兮企丹  
霄願迴靈眷兮福我朝

望燎樂奏蔚平之次章

烟煜降兮元氣和神光燭兮梓潼之阿化成耆定兮  
橐弓戢戈文治光明兮受福則那

龍神祠在城隍廟左嘉慶丙子年縣令方策重建道光

庚戌年縣令周和祥復修歲以春秋仲月戊祭後辰

日致祭

陳設

帛一色白豕一

羊一

酒爵三

祝辭維年月日致祭於

龍神曰惟

神德洋寰海

澤潤蒼生允襄水土之平經流順軌廣濟泉源之用  
膏雨及時績奏安瀾占大川之利涉功資育物欣庶

宜城縣志

卷二

建置志

十三

類之蕃昌仰藉神庥宜隆報享謹遵祀典式協良辰  
敬布九筵肅陳牲幣

入蜡廟未設奉神主祀於龍神祠

劉猛將軍神主亦祀於龍神祠咸豐七年奉

勅加封保康又於同治四年奉

勅加封普佑載入祀典

城隍廟在西門內南向建始未詳何代明令胡明佐主

簿杜明倫重修

國朝順治四年邑令王文禎葺其頽圯十七年縣令劉

祚長募修二十四司嘉慶道光中經前後邑令方策

宜城縣志

卷二

建置志

十四

秦鍾英李鏐張五絨郭悟孝趙鵬翔飭捐修復後殿  
後廂左个雷神祠右个娘娘殿及廟門二十四司歲  
以五月二十八日致祭

祝文曰惟神正直寔贊靈化捍禦之功一邑所賴  
祇巖歲祀用答神庥尚其歆茲永福庶黎

熒惑廟前明爲火星觀在北街東巷南向道光四年縣  
令張五絨飭捐重修後殿三間後廂左右各三間正  
殿三間拜殿三間牌坊大門三間後繚以牆歲以春  
秋二仲上戊日祭社稷山川後及六月二十三日致  
祭

祝文曰惟 神德備六府功懋五行保障闔邑利賴  
羣生今屆仲椿用伸時祭

馬王廟在縣署西鄆城驛內歲以六月二十三日致祭  
陳設

籩豆各四 簠簋象尊壺尊各一 牲用少牢

鄮侯祠在縣署大堂右歲以春秋祭火神畢致祭

祝文曰惟 神職司律令相業凜凜法律伊始刑期  
無刑今屆仲椿用伸時祭

鎮宜樓祀 關帝在縣署後南向樓坐北城身

聚奎樓在文廟東城上東向明令梁雍正建祀奎星今廢

宜城縣志

卷二

建置志

十五

菩提庵在東南城隅今廢

報恩寺舊在西城外後跨城岡上遂在城內明季李賊

焚燬過半 國朝順治五年重修嘉慶間邑令秦鍾

英續修

張侯生祠為明令張鳳起立

張侯畱愛祠為明令張鳴岡立俱在紫陽觀前今皆廢

舊志又載廢祠二一在紫陽觀祀明令雷嘉祥一在

城內十字街祀明令陳美今亦廢

茶庵在大東門外

護國寺舊名元祐觀在小東門外

東嶽廟今名南泰山廟在南門外護城隄內南向祭先農迎春皆於此

朝陽觀在小南門外嘉慶二十四年縣令秦鍾英飭捐重修

紫陽觀在北門外明嘉靖間邑令馬文祥自西岡移遷今廢

東泰山廟大東門外里許

草廟縣北五里

北泰山廟縣北五里今名王家廟

泰山廟在寶潼河城東七里順治初邑令王文禎修

宜城縣志

卷二

建置志

十六

老觀廟在迎水洲城東北五里

太尉廟在湍灘腦明永樂時漢水漲溢流此神至並泥馬一騎亦無恙鄉人立廟祀之所禱有應或曰太尉

水府神也其地今有龍王廟又有八卦廟

按壘起餘聞云元順帝至正二十三年秋七月太祖與陳友諒大戰於鄱陽湖舟膠於淺不得動夜夢神告曰余蕭老人也愿助風水一帆明日偽漢太尉張定邊奮勇直犯帝舟正危急間風水大發帝舟順流而退整師再戰遂獲全勝及戊申正位感蕭老人之默佑册封爲天下都水神命沿江州



縣立廟祀之或稱水府或稱蕭公廟云又省志載蕭公新塗人名化軒浚於宋咸淳間爲水神明初遣使致祭於汰洋洲廟永樂中詔封水府通靈廣濟顯祐侯

勝因寺在縣東北二十五里明永樂十五年建

下峯寺在縣東北二十五里明崇禎七年建

朝陽觀在鷄鳴山縣東北三十里明萬曆九年建

伍子胥廟志載有二一在上滴水厓一在楚王城謂皆避平王難故後人立廟祀之

按史記子胥逃楚之鄭去鄭奔吳後以吳兵入郢

宜城縣志

卷二

建置志

十七

辱平王墓追昭王於郢

括地志安州安陸縣城本春秋時郢國城

及隨往返道路前無經宜故事而志載破河腦金汗塚及茲二廢廟皆子胥遺蹟或傳聞異辭姑仍之以俟考採訪記

范將軍廟在范家營舊志載宋將范文虎與元兵接戰屯營漢中後人卽其處立廟祀之

按文虎奉命援襄陽擁兵自衛戰陣無勇坐失咽喉重鎮臣職武畧類無可取志侈陳其廢廟豈當時屯駐年久民是不忘耶採訪記

元真觀在卧牛山縣東七十里明崇禎元年建



附錄明禮臣周洪謨疏云北極佑聖真君乃北方元武七宿後人以爲真君作龜蛇於其下宋真宗避諱改爲真武靖康初號佑聖助順靈應真君圖志真武爲淨樂王太子修煉武當山功成飛昇奉上帝命往鎮北方被髮跣足建皂纛元旗攝元武位此則道家附會之說國朝御製碑謂太祖平定天下兵戈所向陰佑爲多嘗建廟南京載在祀典及太宗靖難以神有顯相功建朝京師良隅並武當山又專官督祀事憲宗嘗範金爲像屢遣內侍陳喜安奉於武當山今請止遵洪武間例每年三月三日九月九日用素羞

宜城縣志

卷二

建置志

十九

遣太常寺官致祭餘停免

黑龍大王廟在縣西石梁山廟內有八角井井有龍泉石板覆之不敢擅揭天將雨井中水鳴聲聞數十里山巔雲氣迷漫滂沱立至遇旱禱之輒應

白雲寺縣西南四十里魏楊冲嵯巍凌空疊嶂蹲聳儼然在白雲中多產果品

竹林寺縣西三十里牛心山後

含珠寺縣西二十里

三十八廟城西三十里蠻河岸北有含珠太子傳云元時三十八人修故名按此廟疑卽含珠寺

重興寺縣西二十里

杜平寺縣西二十里

傳燈寺在縣西南府志在縣南五十里明正德八年建

蓮花寺縣西二十五里

上下圓通庵俱在縣南五里今皆圯

五印庵在鯉魚橋西明相邱瑜題柱聯云橋水定誰流

幾個迷盲望東笑帆風俱不動一天空色自西來今

已圯

楚昭王廟在故襄城內昭王井南今廟井皆廢

楚襄王廟在故襄城內久廢

宜城縣志

卷二

建置志

二十一

普濟寺在城南十里有陶有公施茶所康熙中置田六

十六畝寺僧攝其事厥後邑令趙鵬翔給匾額褒之

龍池寺在故襄城內縣南十五里明宏治十年建舊志

又載縣南十五里有三台寺今其名隱

白雲寺在石子湖南縣南四十里明萬歷十二年建湖

內又有老觀廟

龍興寺在破河腦縣南四十里明萬歷十六年建又老

觀廟二一在腦市一在孫家灣

萬壽寺今名塔裏寺在江家坡西縣南四十五里明天

順八年襄王重修有浮屠高數丈今存遺趾又有巨

碑屹立碑面竹痕如畫

圓通寺在龍王洲縣南五十里明隆慶四年建

三臺寺縣南十五里

東連寺縣南九十里

三合廟縣北二十里

晏公廟縣北二十里漢水之濱舟行者祀之今圯

上峯寺縣北四十里

祀縣廟縣北三十里北湖岡

彌陀寺縣西北五十里

祖師殿縣北二十五里古有四桃花廟今廢

宜城縣志

卷二

建置志

二一

關帝廟在縣東北四十里相傳明成宏間漢水溢流聖像至里人葺廟祀之祈禱輒應廟濱漢常患崩圯

帝示夢廟祝命鑄神力鎮其地迄今廟貌如故屢著靈異

祠祀之制自壇壝而下列在祀典者非其法施於民則其死事定國者也又不然則其禦災捍患者也此之爲祀蓋崇報之意若寺觀中率多士大夫之隱於僊釋者然未免爲游惰藪矣其衣食每資於火耕水耨之夫緇黃逸欲死農工勞欲死識者慨之且石隱避世聖賢不取



公署公所附

縣署原在城北明洪武時縣令王觀建道志觀作官識嘉靖隆

慶間縣令蔣相等均加補修崇禎十五年寇燬 國

初賃居民房康熙六年縣令楊芳勸諭社甲捐輸購

西街宦舍為署後縣令郭維垣胡永慶兩增修之乾

隆十一年縣令雷廷珪仍諭社甲攤捐遷復舊址十

三年縣令黃含章以次繕葺四十年五十年縣令王

超凡郝謙俛憲節經請餉重修其所領之項仍於養

廉內三年扣還署式甬壁一座頭門三間明謙樓頭舊址

門內東西班房各三間明神勸地舊址儀門三間儀門

宣城縣志

卷二

建置志

三

內東西差廳各三間明監獄蕭侯土地闕王廟諸舊址東廂吏戶司

戶左戶右禮承發六房各一間西廂兵司兵左兵右

招刑工戶糧六房各一間墀上捲棚二間棚戒石亭尚

存大堂三間舊舖舖堂東庫房一間又東櫃房一

間堂西衙神祠三間廂房二間堂後東西門房各一

間正中穿堂接連二堂三間東西廂房各三間東廂

後西向內門房二間道光六年增修內門房東幕廳

三間北面廚房二間幕廳東大士閣一間嘉慶二十一年縣令

麟鐘英二堂山墻東偏厦三間二堂西花廳三間麟

令大今圯北面便道房一間二堂三間東西

廂房各三間三堂東耳房三間耳房東廚房三間均南向三堂西耳房三間耳房南厠室一間後堂三間道光七年署令舊有西廂房二間今圯後堂東護房三間又東護房三間在廚房後均南向繚以圍牆原曰西署改爲大公館

典史署前明在縣署西國初賃居民房雍正年間移駐清水港自縣署遷復北街舊址撤清水港署建大公館東署式頭門三間晒間大堂三間東西廂房各三間東爲衙神祠科房西爲差房大堂東花廳一間廢爲圃西書房一間寢堂三間東西廂房各二間厨

宜城縣志

卷二

建置志

十四

房三間週繚以墻監獄三間獄神祠二間在典史署東虎頭門內監獄房一間

巡檢署在田家集曰田鎮司邑向未設此官嘉慶十一年教匪亂後乃設斯職駐防於此未請銀建署賃居民房

教諭訓導署

詳學校

左哨千總署

詳塘汛

公所

附

常平倉九間在城內北街山陝會館左今圯又四間舊在西街大公館後偏東今改建三間於縣署大士閣



南關帝廟後

社倉舊有五十九處乾隆二十三年歸併作三十一處分貯各里嘉慶十三年教匪亂後倉舍盡燬民間積欠難清奉

旨豁免惟存城內熒飛廟一處沿名義倉無貯穀倉房今亦廢

養濟院五間在西街城隍廟東明令雷嘉祥修惟茅屋數椽咸豐十一年署令余思訓移報恩寺左

育嬰堂三間兩進在西街監獄東雍正二年縣令蘭壽建置田數處載府縣案內

宜城縣志

卷一

建置志

二十五

漏澤園三處一在小南門外廢泰山廟後廣十八畝明

令張鳴岡置

府志作雷嘉祥誤

一在高觀鋪接官廳西半里

廣二十畝明令梁雍置一在宋玉塚北廣十四畝

國朝順治十一年縣令王道興奉文動餉買置三處均立有碑記今皆廢

操軍場十畝演武廳二間在大東門外新街南護城隄內廳今圯

火藥局在文昌樓

大公館一所存西街典史署右即乾隆十一年以前縣署也

接官廳三所一在郭海營正廳三間偏房二間一在新  
店制如之一在小河口三間兩進偏房庭院皆備亦  
曰公館道光八年沒於水今移建關廟南咸豐元年  
縣令周和祥重建

義塚七處 一處坐落屈家溝塚地七畝半監生魯湘  
捐 一處坐落宋玉塚旁 一處坐落西關外社稷  
壇旁 一處坐落縣西黃憲塚側 一處坐落縣西  
南張余河孔家灣 一處坐落縣南璞河腦龍興寺  
前 一處坐落縣東南龍旺洲圓通寺旁以上各處  
軼

驛鋪

鄆城水馬驛北至襄陽縣漢江驛九十里通京師驛路  
東南至安陸府鍾祥縣豐樂驛九十里通省垣驛路  
西南至鍾祥縣麗陽驛九十里通雲南貴州驛路宋  
元以前為蘇湖驛在縣南五里許明改建鄆城驛在  
今縣治西七十步曰皇華廳左有驛丞署嘉靖三十  
年縣令張鳴岡以城垣西勢雄勝東城空弱改遷城  
外東北隅以鎮地氣

國初徙城內西街大公館右大公館時驛驛雍正六年裁驛  
丞缺歸知縣乃遷驛於城北今縣治西改名鄆城水

宜城縣志

卷二

建置志

三

馬驛東北隅驛地今已廢為民田蘇湖驛地於明嘉  
靖三十七年經鄆襄撫治張煥查丈官地千餘畝撥  
給馬戶領種名牧馬場

國朝康熙三十年邑令郭維垣任內編入民賦

明原額縣馬一百匹驛馬八十八匹

國朝止設馬一百一十四匹康熙十三年添馬十四匹康熙  
十四年奉 文裁減馬三十五匹存馬八十五匹康  
熙二十一年奉

恩

詔復之仍添馬三十五匹共馬一百二十四匹督率驛丞

喂養雍正六年奉裁二十四匹

裁驛丞歸

乾隆二十四

年又裁馬二十四匹存馬八十四

額馬夫六十名雍正六年裁十名乾隆二十四年裁

十名今存額馬夫四十名

獸醫二名

明原額排夫四百名自崇禎壬午變後地荒民稀

國朝募夫一百三十名奉 文裁減五十名止存夫八

十名康熙二十一年奉

恩

詔復之仍添夫五十名復念宜極衝加添夫二十名共

夫一百五十名 雍正六年裁二十名乾隆二十四

年裁三十名三十三年又裁十名今存額夫九十名

宜城縣志

卷三 建置志

三

舖舍額設十一徭編舖司兵共四十五名縣前總舖

五名餘十舖舖四名咸豐七年裁減八成

總舖在縣署東角壁南今舖舍已廢舖司兵居大公館後東偏

迎恩舖在總舖北十五里今明正店西

通濟舖在迎恩舖北十五里小營北通襄陽石樞舖

孝友舖在總舖南十五里梅家灣西

甄橋舖在孝友舖南二十里今併郭海營

龍旺舖在甄橋舖南二十里

葡萄舖在龍旺舖南十里通鐘旺舖南十里

高觀舖在總舖西南十里

金家舖

在高觀舖西南十里

蠻河舖

在金家舖西南十里

八里舖

在蠻河舖西南二十里  
通鐸祥快活舖達荆門

宜城南行九十里為麗陽驛屬荆門設驛丞一員荆

一宜夫馬皆至此接換故又曰宜門遞運所

國朝順治初年以麗陽夫站倒塌寬及宜夫越站抵州

苦累萬狀民不堪命及至康熙壬戌秋縣令胡允慶

目擊不忍詳請 守憲沈轉詳 撫院查照舊例申

飭該州仍於麗陽設夫立站接替宜夫隨蒙各憲議

撥協宜人夫九十七名凡有勘合及餉鞘應用人夫

宜城縣志

卷二

建置志

二十九

俱用官夫遞送不累居民民安田里謳歌載道

舊志

塘汛

宜城為襄陽城守營分防汛地考省志康熙元年裁鄖襄撫治缺改標下中營為襄陽城守營駐襄陽更明韋王府為署在四牌樓西街思賢坊初置遊擊一員守備一員千總二員把總四員雍正七年增設外委千總一員分防塘汛外委把總二員協防塘汛舊額除撥補岳蕲安鎮軍各營實存馬兵五十五名額額仁步戰七十七名額額四額守兵四百五十八名額額四額額戰馬五十五匹額額二匹江哨船二隻巡防襄陽宜城棗陽三縣汛地宜城之設城守營防益自此

宜城縣志

卷三

建置志

三十

始故老傳聞邑初設汛官千總營房駐小南門內外委把總營房駐郭海營馬步戰守兵共九十名稽訪汛署教匪亂後嘉慶六年襄陽置提督標下立內五營外五營改棗陽城守汛為提標後營撥回城守營兵六十名補汛宜城於是宜城為楚北城守分防大汛原設襄陽城守營兵額馬步戰守共五百九十名分防宜汛左哨千總一員協防外委把總一員馬兵三名步戰兵十四名守兵一百三十三名戰馬三四道光十一年西藏新疆因張格爾亂增添營防撥去兵額三名咸豐七年冬八年春兩次奉

旨裁撤十六名安設漢陽長江水師大營今存兵額一百三十一名分撥水旱十塘汛兵五十名餘皆駐城舊額水旱各六汛每汛守兵五兵嘉慶十一年奉制軍吳提督軍門慶檄撥去羌家灣流水溝二水汛屬提標右營飭襄陽外委駐防管轄今水旱塘汛屬宜汛轄者共十塘

東關外抵塘北二里羅家河塘又北二十里通襄陽歐家廟塘

金家鋪塘在抵塘西南二里新店鋪塘又二十里通鍾祥快活鋪達荆

道州

梅家灣塘在抵塘東南二里郭海營塘又二十里通劉尚集水塘今歸

宜城縣志 卷二 建置志 三

併倒

以上旱汛六塘

縣園洲塘南二里古梅園塘今徙三汛港又東南郭海

營又東二里流水溝塘今已撥屬襄陽右營汛地左旗

套塘水坊改徙劉尚集今移倒口銀南二十里灣通巨

家灣塘即下峯寺今已撥屬右營汛地在縣園洲東北二十里通襄陽鹿門寺塘

以上原設水汛六塘除撥屬右營二汛今止四塘

里屯村集

宣城縣元二鄉 太裏字字說

宣城縣四鄉洪水樊村二鎮 元豐九域志

宣城縣編戶一十七里 明一統志

洪武初分鄉四嗜義樂善慶豐咸寧社三泊洲羊古古  
羊成化十八年增社九宏治中增社四以編遷民曰  
北陽永豐嗜義德化撫安新興志道依仁游藝太平  
撫鎮安寧連前四鄉三社共為二十

國朝順治十四年均編為社十六無鄉東曰永豐泊洲嗜

義東南曰北陽咸寧德化南曰羊古古羊西南曰新

宣城縣志

卷二

建置志

三

輿西曰撫安西北曰志道北曰游藝太平東北曰撫  
鎮依仁安寧康熙十年以明藩四皇莊田地青山石  
子撥池蠻河歸併為更名莊共二十七里社 舊縣志  
武昌衛屯坐九百戶半

頭百戶屯坐 茅草洲 許家岡 三义港 郭海營

楊家營 胡家岡 何家莊 清水港

牛家埠 郝家集 果河口 韓家塢

周家臺 小河口 李家臺 童家臺

九百戶屯坐 破河腦 張旗營 杜魯灣 劉尙集

倒口 葛灣 任家河 王家營



劉家營 仙家莊 王家岡 郭家岡  
崩羅營 五里牌 黃鶯山 濫泥冲  
尙家營

三百戶屯坐 下武塘 謝家岡 戴家營 楊家岡

孫家竹園 江家坡 胡家岡 顧家坡

赤土坡 李井坡 老營 官宿莊

易家岡 彭家灣 官符堰 蔣家灣

四百戶屯坐 雷家河 王家冲 趙家冲 龔家河

廖家河 石橋頭 新集 含珠寺

李家營 羅家冲 王家灣 趙家溝

宜城縣志 卷二 建置志 三十三

馬良塚

旺百戶屯坐 孔家灣 八里岡 余旗營 栢樹林

蠻河鋪 棗林 新店 丁家灣

站園灣 龔家營 毛家營 王家塘

譚家灣 塔里寺 三連冲

前百戶屯坐 官莊 朱家營 蔡家河 曾家營

馮家營 范家營 王旗營 紅廟

龍家巷

後百戶屯坐 板橋店 田家集 張家灣 辛家畝

蔣王旗 今訛麥芒 朱旗岡 白廟

牌樓岡 桂家灣

伍百戶屯坐 潦河園 望家岡 木瓜園 嚴家岡

謝家坡 百姓營 孫家岡 十字湖

赤湖岡 南營里 洋祐汊 護家洲

密家灣 練港 野牛坡 楊家營

何家營

頤百戶屯坐 郭海營 黃家岡 殷家店 李家營

流水溝 丁家營 鄭家岡 劉家灣

王家山頭茅竹園 陳家灣 趙家腦

襄陽衛屯坐戶所

宜城縣志

卷二

建置志

三十四

左王所 縣北

劉所 縣北偏西

朱所 縣西偏北

單所 縣西

施所 縣西偏南

史所 縣南偏西

郭所 縣南

村鎮附

東關在大東門外過林濟橋直街曰新街有古鄂通衢

坊東渡漢江走田鎮司通棗陽道南走梅家灣通省

道明知縣孚資坤建橫街曰鉅頭街有市門北走抵

塘通襄樊驛道 國初知縣劉祚長復興

南關在大南門外南走破河腦倒口通省道西南走新

店荆門州通雲貴驛道 國初知縣牛樞與知縣胡

永慶復興

西關通南漳四川道知縣胡永慶始事招集

以上三關合城內東南西北街共爲六市

官莊舊名望江集在縣東十五里西臨漢江縣東山村

一帶入城要道今縣市之一

田家集今爲田鎮司汎在縣東七十里接壤棗陽要道

東南臨南泉河有市

隆山俗名流水溝南有浣沙嘴在縣東南六十里有市  
倒口舊名倒上洪南距蠻水口東臨漢水在縣南七十  
里與鍾祥接壤爲縣至省驛道通津有市

宜城縣志

卷二

建置志

三五

劉尚集舊名劉家集在縣南六十五里有市昔日左旗

套塘汎移此近被水嚙市廢歸併倒口

郭海營在縣南四十里晉省驛道有水旱塘汎舊駐協

防外委今縣市之一

茅草洲有市今移三汊港仍名茅草洲東臨漢水在縣

東南三十里今縣市之一

破河腦在縣南四十里南薄蠻水左有石子湖右有下

武塘軍民雜處爲今縣市之一

孔家灣在縣西南四十里東臨蠻水有市屬併張余河

雷家河在縣西南二十里東臨蠻水有市屬併張余河

石灰窰在縣西二十里東臨蠡水有市屬併張余河  
朱家嘴在縣西北三十里南臨蠡水通南漳官道有市  
屬併張余河

小河口在縣北三十里北據潼口站河口東臨漢江接  
界襄陽京省通衢商旅輻輳今縣市之一

南營里在縣東北十五里西臨漢江昔祇細流不通舟  
楫今已成巨浸與外洪勒市爲水嘴已移於內今縣  
市之一

右縣市鎮除城內外三關六市自官莊至南營里凡  
十四處向來應付差役以田家集屬併官莊爲一市

### 宜城縣志

### 卷二

建置志

三十六

一以流水溝倒口屬併劉尚集爲一市以孔家灣雷家  
河朱家嘴石灰窰屬併張余河爲一市其餘皆自爲  
市凡八口市

雲水洲原名迎水洲在縣東北五里東臨漢江西薄新  
河

王旗營距城東十五里舊名王家集西臨漢洪今淤  
龔家腦在縣東十五里舊臨漢江今淤

安家腦在縣東二十四里舊近漢江今淤

毛家港在縣東北三十里近朱家港

清水港在縣東南三十里昔日典史駐此

梅家灣在縣南二十里有塘汎小市

夏家臺在縣東南二十七里

果河口在縣東南三十里臨漢江

百姓營在縣東南二十七里

張余河在縣西南三十里西薄蠻水

龔家集集今作河在縣南二十五里蠻水西

廖家河在縣西二十五里蠻水西

洋祐汊在縣東北三十里西臨漢江有汊

以上十四處舊俱為縣市鎮今廢為村落

縣園洲自城東新河鄒彭莊至上下窰灣皆是東臨漢

宜城縣志

卷二

建置志

三七

江西距新河為縣津渡口

寶潼河在縣東七里原名鵝潼河舊嘉靖四十五年漢

水溢直衝迎水洲而下改徙鵝潼河新洪逼城五里

許乾嘉間淤為村落今仍臨漢江舊村內移

湍灘腦在縣東南十里元阿朮與范文虎戰於湍灘即

此

范家營在漢水東名拖鎗港宋范文虎與元阿朮戰敗

拖鎗經此故名

朱旗岡在官莊東南

孟元冲在朱旗岡東北

辛家畝在孟元冲東北

盧家畝在辛家畝東北

姚板店在漢東六十里今名板橋店府省志說姚為桃

南泉村今名南泉畝在縣東七十里

埽口在官莊東南十五里南漢江建新市

陰港在迴龍觀山南泉河入漢出口縣志說陰為營

練港在官莊東南二十五里赤山東卧牛山泉水入漢

出口

獅顧菴府志省志說菴為港在縣東十五里

竇燕山在流水溝東十五里

宜城縣志

卷三

建置志

三十六

古梅園在縣東南二十里一名木瓜園

姚家岡在破河腦東北十里

柳林套在郭海營東南

葛籐灣府省志說葛為萬在柳套東南

樊村洲在乾河口東南淤距縣七十里

安家洲在乾河口東流水溝南距縣六十里

皇籐港一名王城港在倒口東府省志說籐為籐

木香村一名木香港與皇籐港俱在漢水東南七十五

里

故襄城縣志說為圓襄在縣南十五里有琵琶村



堡寨

赤山堡縣東六十里土築磚門三面依赤山一面臨漢水週圍一千四百丈隍高一丈五尺圍牆高五丈濠濶二丈引漢水注之微有方城爲城漢水爲池之勢若謹守依山之三面以絕賊之窺伺可保無虞

龍山寨縣南七十里距赤山堡十五里此寨石山石築其形長週圍三百九十九丈隍高二丈六尺半山有水山勢孤峭若龍昂首天外寨踞其巔下臨澗溪周遭縈繞亦屬有險可恃

鐵關寨縣東七十里距龍山寨十五里此寨土山石築

宜城縣志

卷二 建置志

四十

週圍六百七十丈隍高二丈圍牆高五尺山勢羣峯屏障宛然關鎖不易攀躋於險隘處絕賊來路賊自不能窺其奧

和平寨縣東七十里距鐵關寨十里此寨土山石築週圍三百八十丈隍高三丈圍牆高五丈又外隍一道週圍一百餘丈峯巒特出高挿雲漢山巔有井山脚有塘足資人馬飲固無慮敵之絕汲道也

麒麟寨縣東七十里距和平寨二十里此寨石山石築週圍三百八十八丈南面巉巖壁立有若堵牆高二丈餘東西北三面壘石爲垣高二丈五尺外有自生石



澗環繞其下山勢猙獍一綫羊腸崎嶇難躋半山有井可供羣汲洵屬奇險天成

劉家寨縣東六十里距麒麟寨二十里寨係石山石築週圍八百四十六其形圓隍分內外內隍高二丈圍墻高五尺外隍高一丈八尺圍墻高五尺半嶺有水此山層巒疊嶂勢欲摩天下視東南諸山幾如暗嶺四面陡峭惟南通曲徑真有依鳥難攀之險頂際平敞可容數萬家俯窺賊勢遠邇皆晰最易防守外又谿澗環護無能飛渡明季及嘉慶初匪亂倚若長城近日髮捻疊次攻圍卒無所用其力

宜城縣志

卷二

建置志

四十一

雙龍寨縣東七十里距劉家寨二十里寨係石築形長蜿蜒若龍南北兩山相聯南寨週圍五百二十丈北寨週圍五百丈隍俱高一丈八尺圍墻高四尺又外隍高一丈六尺環包兩寨寨外溪流冬夏不竭遇有外警兩寨夾攻賊自無能久駐

丁家寨縣東六十里距雙龍寨十里寨係石築週圍三百七十七丈隍設兩層高二丈圍墻高一丈山勢突兀峻嶺重崖宛若列屏大有巍巍蕩蕩寇來而不能上之勢半山泉水清澈可汲是亦據地利之勝者

雲霄寨縣東北七十里距丁家寨二十里石山石築山

勢崔巍上出重霄山巔南北俱天然石壁突立千仞  
東西壘石爲墻高四丈隍高二丈前後兩峯對峙廻  
環拱衛大有足恃週圍六百九十丈寨外縈繞以濠  
有事則居高擊下最易爲力

旗河堡縣西四十里距八萬寨二十里此堡磚土兼半  
其形圓週圍一千四百餘丈門四隍高二丈餘圍墻  
高五丈濠濶四丈雖不傍山而面臨蠻水有事決以  
灌濠不營天塹且堡內民居鱗次櫛比團練齊心何  
畏於賊

八萬寨縣南五十五里距青龍寨十五里石築形曲週

宜城縣志

卷二

建置志

四十一

圍五百餘丈隍高一丈八尺圍墻高五尺勢最險峻  
四面壁立懸巖千仞惟北一面彳亍可躋南青龍寨  
山北鐘頭山西鍾宜觀山東鐵冠山羣峯羅列而此  
山獨高踞其中俯視遠近朗若列眉且山頂平敞寬  
廣數百畝寨外一塘四圍比目泉二大龍潭四山腰  
又有小泉三有事設備於隘以塞其口卽可無虞相  
傳明季曾避八萬餘人因以名寨

青龍寨縣西五十里距金牛寨十五里石築形圓週圍  
四百八十丈隍高三丈圍墻高四尺山嶺重疊羣峯  
插天且怪石巉巖崎嶇難行山水如環帶浩瀚不

絕踞險擊賊實爲奧區

金牛寨縣西三里與女冠山對峙石築長形週圍四百餘丈牆高三丈兩山排闥中夾深峽四面峻絕重巖懸壁人行峽中由前繞後僅西一面有曲徑可通其間阻奧最足深藏山中檻泉巖沸林木蒼蔚採汲不竭若謹守峽口儼然一夫當關萬夫莫開縣西諸山惟此最爲奇險明季張李二賊困圍多日卒皆束手退去

女冠寨縣西三十里距萊公寨十里石山石築形長週圍八百六十丈設立五門隍高一丈五尺牆高五尺

宜城縣志

卷二

建置志

四十三

此山峯巒奇秀高凌霄漢俯覽羣嶺真有羅列似兒孫者山下泉流滔滔不息與金牛寨互爲犄角其險亦與之埒

萊公寨縣西三十里距楊家堡二十里石築曲形週圍五百六十丈牆高二丈餘山迤邐西南突起大阜頂際平敞寨踞其上可以瞭遠倚巒水爲衛亦足敵十萬甲兵

楊家堡縣北三十里磚築形圓週圍八百餘丈設立兩門隍高二丈牆高丈餘濠濶二丈餘壤接襄南閭閻鳩集雖非銅牆鐵壁而守望相助衆志即可成城固

亦小而堅也

按淮南荆襄屏蔽東南六朝能保江左以強兵巨鎮盡在淮南荆襄也而東晉庾翼爲州刺史將謀北伐遂鎮襄陽是荆襄又勢同唇齒者也宜以蕞爾邑偏處其間天下無事則已有事則荆襄爲英雄攻守之地而吾宜非戎馬馳突之場乎往古不具論即明季流賊肆毒荆襄蹂躪於宜尤酷僅有殘黎結寨自保幸而不至屠戮靡遺者所賴於塞堡豈淺鮮哉迨逢

聖朝休養生息累洽重熙民至老死不見兵革而昔日宜城縣志

卷之二 建置志

四十四

避寇之處亦復漸就坵塲益天下之承平爲已久矣迄咸豐二年粵逆構禍乃欽奉

上諭令各省仿照嘉慶年間堅壁清野之法辦團練以資保衛由是台鄉村鎮苦於焚掠或傍山或依水各因舊址厚其垣墉守禦於是大備數年來狼奔豕突閭閻不至重罹荼毒者未始非塞堡有以輯之也第寨堡多則勢分勢分則力微狂寇麇至野無弋獲必將畢力以圖塞堡則所恃爲救援者團練尤不可不急講矣誠遵王公設險之意得所憑依復聯守望相助之情資爲捍衛平日睦鄰任郵

洽比其隣又於四時農隙講習韜畧斯所謂練心  
練膽練識力之法備豫周密一有寇警寨首領  
各量寨之大小以出人之多寡更且先申約束互  
相聯絡聞警不至者有罰臨敵輕退者有罰即以  
所罰之貲爲受傷爲勇敢者賞則四境之內志切  
同仇一匹之夫力能禦侮賊雖狂虐有不望風披  
靡者耶又况鄉兵既堵於塞下官兵復圍於陣前  
腹背受敵如驅而納諸陷阱豈獲中也斯世而誠  
若是也將衆志交孚賊蹤自熄夫何難刻期而奏  
獻誠之功拭目而享昇平之福也哉

